



# DOMOWINA

## Jednanski porjad Zwjazkowego předsydstwa Domowiny

schwaleny dnja 08.08.2013  
změneny přez §9 (6) dnja 13.09.2014

### § 1

#### **Powšitkowne zasady džěławosće**

1. Zwjazkowe předsydstwo Domowiny nawjeduje džěło třěšneho zwjazka mjez hłownymi zhromadźiznami.
2. Zestawa, nadawki a kompetency zwjazkowego předsydstwa rjaduja artikl 9, wotrězki 1 - 8 wustawkow Domowiny.
3. Zwjazkowe předsydstwo spjelnja swoje nadawki z
  - rjadnymi a wurjadnymi posedženjemi,
  - džěłom prezidija po §10 tuteho porjada,
  - analytiskim a koncepcionelnym předdžěłom džěłowych wuběrkow a skupinow,
  - koordinaciju a integraciju cyłnarodneho džěła we wothłosowanju z předsydstwami sobustawskich župow a towarstwow kaž tež z druhimi zwjazkarjemi,
  - skutkowanjom kóždeho jednotliwego čłona zwjazkowego předsydstwa w swojim towarstwje a w zjawnosći,
  - aktiwnym zjawnostnym džěłom wo zaměrach třěšneho zwjazka a wo počóženju a zajimach serbskeho ludu.
4. Zwjazkowe předsydstwo schadźuje so po artiklu 9, dypk 7 wustawkow Domowiny znajmjeńša štyri króć wob lěto. Nimo toho zwoła so kóžde lěto klawturne posedženje. K tomu so lětny plan džěławosće nastaji, kotryž nimo terminow tež měštnosć a wobsahowe ćežišća posedženjow postaji.

## § 2

### Posedzenia zwjazkowego předsydstwa

1. Wuradžowanja zwjazkowego předsydstwa su po artiklu 9, dypk 8 wustawkow Domowiny zjawne. Nowinska řečnica Domowiny informuje medije tydzeń do toho wo posedzenjach a wozjewi zdobom ćežišća zjawneho džěla posedzenjow na internetnych stronach Domowiny.
2. Kóždy wuradžowanje džěli so po potrebjce do zjawneho a njezjawneho džěla. Personalne prašenja maja so w kóždym padže w njezjawnym džělu wuradžowanja a w njeprítomnosći potrjeheneho wobjednać. Zjawny a njezjawny džěl posedzenja matej so w namjeće za dnjowy porjad wupokazać.
3. Wobstatk zjawneho džěla mataj znajmjeńša „naprašowanja hosći“ a „aktualna debata“ być. Čłonojo zwjazkowego předsydstwa maja prawo temy za „aktualnu debatu“ hač do 3 džělowych dnjow do posedzenja zwjazkowego předsydstwa na zarjad Domowiny pisomnje zapodać. Wo dalšich a pozdžišich namjetach smě so we wotwisnosći časowych móžnosćow na městnje posedzenja rozsudzić. Nimo toho smě kóždy čłon zwjazkowego předsydstwa do schwalenja dnjoweho porjada próstwju wo wuzamknjenje zjawnosće při wobjednanju wěstoho dypka dnjoweho porjada stajić. Wo próstwju wothłosuje so po §6 wotrězk 3. Čłonojo zwjazkowego předsydstwa su winowaci, wo wšitkich w njezjawnym džělu posedzenja wobjednaných naležnosćach mjelčeć.
4. Rjadne posedzenja zwjazkowego předsydstwa zwoła předsyda Domowiny na zakładze schwaleneho lětneho plana džělawosće. Wurjadne posedzenje zwoła so wot předsydy po pisomnym žadanju znajmjeńša štwórciny čłonow zwjazkowego předsydstwa, třoch towarstwow abo prezidija (hlej wustawki Domowiny artikl 9, dypk 7). Wone ma so w běhu dweju tydzenjow přewjesć.
5. Přeprošenje z namjetom za dnjowy porjad a předłohami zjawneho džěla posedzenja ma kóždy rjadny čłon zwjazkowego předsydstwa najpozdžišo 10 dnjow do wuradžowanja dóstać. Jeli sej to adresat přeje, móža so jemu podložki tež digitalnje připóstać. Wo naležnosćach, kiž njejsu w připóslanym namjeće za dnjowy porjad zapisane, smě so jenož potom wuradžować a rozsudzić, hdyž njeda so naležnosć přestorčić a zwjazkowe předsydstwo wobjednanju přihtosuje. Přeprošenja z předłohami dóstawaja tež jednaćel a zastupowacy jednaćel, nawodnica Rěčneho centruma WITAJ, jeje zastupjer a referenca zarjada Domowiny. Podložki zjawneho džěla posedzenja smědža tež dóstać předsydaj rewizijnego a změrcowskeho wuběrka, hdyž wo to proša. Samsne płaci za županow a předsydow sobustawskich towarstwow, kiž njejsu z čłonom zwjazkowego předsydstwa. Podložki njezjawneho džěla posedzenja dóstanu wosoby po § 4 dypk 8.

### § 3

#### Nawjedowanje posedženjow

1. Posedženja nawjeduje předsyda, w padže jeho zadžěwanja městopředsydaj.
2. Předsyda a městopředsydaj tworja posedženski prezidij. Nawoda posedženja konsultuje so we wažnych prašenjach nawjedowanja posedženja a dodžerženja wustawkow Domowiny kaž tež jednanskeho porjada zwjazkoweho předsydstwa z dalšimaj čłonomaj posedženskeho prezidija. Wonaj mětoj nawodže posedženja ze swójskeho wida na předpisane postupowanje skedźbnić, je-li trěbne. Hewak jeho při nawjedowanju posedženja podpěrujetaj.
3. Nawoda posedženja ma slědowace nadawki:
  - posedženje wotewrěć a přitomnych powitać,
  - přitomnosć a zamołwjenja zwěšćić,
  - wobzamknjenjakmanosć zwěšćić,
  - zajatosć zwěšćić,
  - wo dnjowym porjedže wothłosować dać,
  - diskusiju k jednotliwym dypkam nawjedować a z wobsahowym rezimejom zakónčić,
  - konkretny tekst wobzamknjenja do wothłosowanja předčitać resp. posłowny namjet za wobzamknjenje sformulować abo přerformulować,
  - wo předłohach a druhich namjetach k wobzamknjenju wothłosować dać,
  - rezultat wothłosowanja zwěšćić (tři kategorije: za namjet / přećiwo namjetej / so hłosa wzda),
  - přiwrzaće abo wotpokazanje namjeta zwěšćić,
  - wo wjacorych čitanjach wěstych předłohow rozsudzić dać,
  - wo wotsadženju dypkow dnjoweho porjada resp. wo wróćodaću předłohow k dalšemu wobdžětanju w prezidiju abo džělowych wuběrkach rozsudzić dać,
  - porjadny wotběh posedženja na zakładže jednanskeho porjada zawěšćić a domowe prawo wukonjeć,
  - wo wobsahach k wozjewjenju w medijach rozsudzić dać a
  - posedženje zakónčić.

### § 4

#### Wobdžělenje na posedženjach

1. Čłonojo zwjazkoweho předsydstwa su winowaci, so na posedženjach wobdžělić. W padže zadžěwanja chorosće abo druhich wažnych přičin dla su winowaci, předsydu abo sekretariat zarjada Domowiny z podaćom přičiny wo tym informować.
2. Lisćina za wupłaćenje posedženskich pjenjow plaći zdomom jako lisćina přitomnosće. Kóždy čłon zwjazkoweho předsydstwa zapisa so ze swojim podpismom do wuležaceje lisćiny

přítomnosće a wupjelni lisćinu za zarunanje jězbných wudawkow, jeli spjelni k tomu trěbne wuměňjenja po płaćacym rjadowanju.

3. Čłon zwjazkowego předsydstwa, kotryž chce posedženje dočasnje wopušćić, ma to nawodže posedženja z podaćom přičiny zdžělic.
4. Po wustawkach Domowiny (artikl 9, dypk 3) mataj so jednaćel a zastupowacy jednaćel na posedženjach zwjazkowego předsydstwa z poradźowacym hłosom wobdžěleć. Samsne přitrjechi za nawodnicu RCW a jeje zastupjerja, tematizuja-li so kubłansko-politiske prašenja. Nowinska rěčnica a referent za nutřkowe naležnosće so nowinskeho wozjewjenja a poradžowanja posedženskeho prezidija dla na wšitkich posedženjach wobdžěletaj.
5. Předsyda rewizijneho wuběrka kaž tež předsyda změrcowskeho wuběrka mataj po artiklu 9, dypk 3 wustawkow Domowiny prawo, so na wuradžowanjach zwjazkowego předsydstwa z poradźowacym hłosom wobdžěleć.
6. Zastupjer Domowiny we FUEN-prezidiju ma prawo, so z poradźowacym hłosom na posedženjach zwjazkowego předsydstwa wobdžěleć.
7. K zjawnym posedženjam ma kóždy zajimc přistup. Zajimcy pak nimaja prawo, do jednanjow zapřimnyć abo wotběh posedženja mylic.
8. Na njezjawnym džělu wobdžěla so člonojo zwjazkowego předsydstwa, jednaćel a zastupowacy jednaćel kaž tež protokolant ze zarjada. Natočenje so hasnje. Pisa so wuslědkowy protokol. Jeli sej maćizna předwidžaneho dypka to žada, smědža so dalše wosoby na njezjawný džěl přeprosyc.

## § 5

### **Wobdžělenje na diskusiji**

1. Člonojo zwjazkowego předsydstwa a prezidija, jednaćel a zastupowacy jednaćel, kaž tež přeprošeni hosćo maja prawo, so słowa jimać, hdyž jim nawoda posedženja słowo přepoda. Kóždy diskutant smě so jenož dwójce k samsnej naležnosći wuprajic. Słowo so po rjedže přizjewjenjow přepodawa. Wo rěčenskim prawje njeprošených hosći rozsudži posedženski prezidij.
2. Čłon zwjazkowego předsydstwa, kiž chce k jednanskemu porjadej porěčeć, přizjewi to ze zběhnjenjom wobeju rukow. Wón dóstanje potom hnydom słowo. Hdyž wuprajitej so žadanje abo namjet k wothłosowanju, smětej zasadnje jedyn čłon zwjazkowego předsydstwa za to a jedyn přećiwo tomu rěčeć. Potom so wothłosuje.
3. Rěčny čas móže so wot posedženskeho prezidija po potřebnosći wobmjezować. Hdyž so hižo k wěcy njerěči, ma nawoda posedženja prawo, rěčnikej słowo sčazać.

4. Jednanski porjad dowola čłonom zwjazkowego předsydstwa w běhu posedženja scěhowace namjety:
  - wróćenje naležnosće do prezidija, do džěłoweje skupiny resp. do džěłowego wuběrka abo na Domowinski zarjad, zo by so předłoha k tomu přihotowała resp. předležaca předłoha so předžětała,
  - wotsadženje naležnosće z dnjoweho porjada resp. přestorčenje wobjednanja,
  - zakónčenje diskusije k naležnosći,
  - wothłosowanje wo předloze resp. wo namjeće k wobzamknjenju,
  - přetorhnjenje abo zakónčenje posedženja,
  - wuzamknjenje zjawnosće,
  - žadanje za tajnym wothłosowanjom abo za wothłosowanjom po mjenje,
  - naprašowanje wěcywustojnych wosobow a
  - přepodaće połnomocy k doskónčnemu rozsudej prezidijej, předsydze abo zarjadej Domowiny.
5. Čłon zwjazkowego předsydstwa, kotryž je so k diskusiji přizjewił a njeje zakónčeneje diskusije dla wjace słowo dóstał, smě swój přinošk pisomnje předsydze zapodać. Přinošk so protokolej připožži.
6. Do wothłosowanja wo předłohach a namjetach za wobzamknjenje smě kóždy čłon zwjazkowego předsydstwa wosobinske wujasnjenje wotedać. K tomu přepoda jemu nawoda posedženja po wotpowědnym přizjewjenju słowo. Tajke wosobinske wujasnjenje smě jenož runostajenje wopačnych wuprajenjow abo wotwobaranje wosobinskeho nadpada wobsahować.

## § 6

### Wothłosowanja a wobzamknjenja

1. Po artiklu 6, dypk 3 wustawkow Domowiny je zwjazkowe předsydstwo kmane k wobzamknjenju, hdyž je wjace hač połojca jeho čłonow přitomna. Namjet je přiwzaty, hdyž je wjetšina přitomnych hłosakmanych za namjet hłosowała, dalokož njeje to w tutym porjedže abo we wustawkach hinak postajene. Při samsnej ličbje hłosow za abo přećiwo namjetejje namjet wotpokazany. K wothłosowanju dóstanje kóždy čłon hłosowanske kartki (zelenu kartku z napismom “za namjet/za naraženje”, čerwjenu kartku z napismom “přećiwo namjetej/pšešiwu naraženju” a bělu kartku z napismom “so hłosa wzdam/so głosa wzdam”).
2. Namjet k wobzamknjenju dyrbi pisomnje abo ertnje jasnje sformulowany być, prjedy hač so wo nim wothłosuje. Wo kóždym namjeće so jednotliwje wothłosuje.

Hdyž předleža wjacore namjety k wobzamknjenju nastupajo samsnu naležnosć, potom wothłosuje so najprjedy namjet, kiž po wobsahu najbóle wotpowěduje zaměrej wobzamknjenja.

Signalizuje-li jedne sobustawske towarstwo z pisomnym wopodstatnjenjom w předpolu posedženja k namjetej za wobzamknjenje sylne wobmyslenja, ma so předsydstwo tutoho towarstwa do wothłosowanja slyšeć. Słyšenje předsydstwa tutoho towarstwa so přewjedže w zwjazkowym předsydstwje.

3. Wothłosuje so zasadnje zjawnje ze zběhnjenjom hłosowanskeje kartki.

Hdyž sebi to jedyn člon zwjazkowego předsydstwa žada, potom so po mjenje abo tajnje wothłosuje.

Předležitej wobaj namjetaj, potom so tajnje wothłosuje.

Při wothłosowanju po mjenje předčita nawoda posedženja mjena wotpowědneho člona zwjazkowego předsydstwa, kiž dyrbi potom wuprajić, hač wón "za namjet" abo "přećiwo namjetej" hłosuje resp. so hłosa wzda. To so we wotpowědnej lisćinje dokumentuje a protokolej přida.

Člonojo zwjazkowego předsydstwa, kiž njejsu wobzamknjenju přihtosowali, smědža sej žadać, zo so to w protokolu naspomni.

4. Hdyž so wuměnenja za płaćace wobzamknjenja zasadnje změnja, móže so wotpowědne prašenje znova w zwjazkowym předsydstwje wobjednać. Při tym ma so wo tym rozsudzić, hač so dotalne wobzamknjenje zběhnje.

5. Wólby a personalne rozsudy přewjedu so w tajnym wothłosowanju. Smě so zjawnje wolić, hdyž njeje žadyn člon zwjazkowego předsydstwa přećiwo tomu.

Wolena je zasadnje wosoba, kotraž dóstanje wjace hač počtu hłosow wšitkich člonow zwjazkowego předsydstwa.

Při wjacorych mjenach na jednym wólbnyh lisćiku, su ći wuzwoleni, kotřiž su po rjedže najwjac hłosow dóstali. Při runosći hłosow ma so wuša wólba přewjesć. Woleny je potom tón, kiž docpěje we wušej wólbje wjetšinu hłosow.

6. Člonojo zwjazkowego předsydstwa njesmědža so na wobjednanju a schwalenju naležnosćow wobdželić, hdyž móže wobzamknjenje jim wosobinsce, jich swójbnyh resp. při wuznym přenjeho stopjenka abo institucijam, kiž woni juristisce zastupuja, bjezposrědne lěpšiny abo njelěpšiny přinjesc.

Potrjeheny člon zwjazkowego předsydstwa dyrbi sam swoju zajatosć do wobjednanja wotpowědneje naležnosće přizjewić. Wón smě so w padže zjawneho džěla posedženja k hosćom sydnyc, w padže njezjawneho džěla pak dyrbi posedžensku rumnosć wopušćić.

Hdyž wobsteja dwěle na zajatosći resp. njezajatosći, potom rozsudzi so w njeprítomnosći potrjeheneho.

## § 7

### Protokolowanie

#### A. Protokol zjawneho džěla

1. Wo kóždym zjawnym posedženju zdžěła so protokol wobzamknjenjow. Jako pomocny srědk za protokolowanie zjawneho džěla posedženja wužiwa so natočenje.
2. Protokol zjawneho džěla ma wobsahować:
  - termin, městnosć, započatk a kónc wuradźowanja,
  - mjeno nawody/nawodow zeńdženja,
  - přitomnosć člonow a hosći,
  - dnjowy porjad,
  - čísla a titule wobjednanych předłohow,
  - wobzamknjenja z formulaciju namjeta, z wuslědkom wobhłosowanja a z běžnym číslom tuteje wólbneje doby,
  - nadawki, kiž su so druhim gremijam přepodali,
  - wosobinske stejišćo, hdyž sej to člon zwjazkowneho předsydstwa žada a
  - teksty rozprawow k bytostnym naležnosćam jako přidawk k protokolej.
3. Člonojo zwjazkowneho předsydstwa a jeho stajni hosćo dóstanu w běhu jednoho tydženja po posedženju naćisk protokola, kotryž so na přichodnym posedženju schwali.
4. Županojo a předsydzja sobustawskich towarstwow dóstanu protokol k informaciji, hdyž njejsu z člonom zwjazkowneho předsydstwa a wo to proša.
5. Protokol so na přichodnym zjawnym wuradźowanju zwjazkowneho předsydstwa schwali a spjeljenje wobzamknjenjow kontroluje.

#### B. Protokol njezjawneho džěla

1. Wo kóždym njezjawnym posedženju zdžěła so wuslědkowy protokol.
2. Wobsteji móžnosć jednotliwe wuprajenja po słowje do protokola přewzać.
3. Protokol njezjawneho wuradźowanja so w zarjedže Domowiny zawrjeny składowuje, a to jónu jako digitalny dokument na datowym nošaku a jónu jako čišćany dokument.
4. Sobustawam zwjazkowneho předsydstwa a změrcowskeho wuběrka ma so na žadanje protokol pod dohladom w zarjedže přistupnić.
5. Protokol njezjawneho džěla schwali so na přichodnym njezjawnym zeńdženju zwjazkowneho předsydstwa. K tomu so dokument jako čišćana wersija přitomnym wudžěli, so z mjenom přijimowarja woznamjeni, so čita, wobjedna, schwali a so zaso hromadzi. Hač na w dypku B-3 mjenowany eksemplar so wšě druge zniča.

## § 8

### Předlohi

1. Předlohi do zwjazkowneho předsydstwa smědža zapodać: prezidij, předsyda a městopředsydaj Domowiny, čłonojo zwjazkowneho předsydstwa, džěłowe wuběrki resp. skupiny kaž tež rewizijny a změrcowski wuběrk Domowiny a předsydstwa sobustawskich župow a towarstwow.

Předlohi smě tež zarjad Domowiny zapodać.

Předlohi zdžěłaja so, hdyž so trěbnosć wobjednanja wotpowědneho prašenja ze stron wolenych gremijow třěšneho zwjazka, předsydstwow sobustawskich župow a towarstwow kaž tež zarjada Domowiny zwěsći, hdyž zwjazkowe předsydstwo wotpowědny nadawk wobzamkne abo posedženski plan zwjazkowneho předsydstwa to předwidži.

2. Předlohi měli so zasadnje prezidijej k předwobjednanju přepodać, zo by móht zwjazkowemu předsydstwu doporučenje k doskónčnemu wobjednanju předlohow přepodać. To rěka, zo dyrbja 4 tydženje do předwidžaneho wuradźowanja zwjazkowneho předsydstwa w zarjedže Domowiny předležec. Referent za nutrkowne naležnosće Domowiny rjaduje, čisłuje a spřistupni, resp. wozjewi předlohi we wothłosowanju z prezidijom.

3. Za přihotowanje předlohow ma so wosebity formular wužiwać (hlej přiłoha).

Kóžda předloha dóstanje swoje čisło (běžne čisło + lětoličba).

Předlohi, kiž so w prezidiju na zakładže paragrafa 10 tutoho jednanskeho porjada dorozsudža, dóstanu před běžnym čisłom přidawk "P".

Předlohi, kiž dyrbja so w zwjazkowym předsydstwje doskónčnje wobjednać a schwalić, dóstanu přidawk "ZP".

Wobě družinje předlohow so separatnje ličitej a skladujetej.

Wopodstatnjenje za namjet k wobzamknjenju přida so we wotpowědnej přiłoze.

Při předlohach, kiž služa jenož k informaciji, zapisa so do rubriki "Namjet za wobzamknjenje" pasus, zo so informacija na wědomje bjerje.

4. Hdyž so w běhu jednanjow zwjazkowneho předsydstwa wotčilacy namjet k wobzamknjenju sformuluje, potom zapisa so nowa formulacija do přehlada předlohow.

## § 9

### Wutworjenje džěłowych wuběrkow

1. Zwjazkowe předsydstwo abo prezidij wutworitej po potrebjce k analytiskemu a koncepcionelnemu wobdžětanju wěstych naležnosćow džěłowe wuběrki. Kóždy wuběrk měł ze znajmjeńša 5 wosobow wobstać, wjetšina z nich měła być z čłonom zwjazkowneho předsydstwa.



Postaja so zestawa a nawoda džěłowego wuběrka, jeho naměstnik, po wobsahu přislušny zamołwity zarjada, wobsahowe zaměry džěławosće a doba skutkowanja.

Wuběrki maja prawo, stajić próstwu wo juristisku poradu na prezidij.

2. Za wotběh posedženjow džěłowych wuběrkwow płaća w zasadze postajenja jednanskeho porjada zwjazkowego předsydstwa wotpowědnje. Wuradžowanja wuběrkwow su zasadnje njezjawne. Wuwzaća su móžne.  
Čłonom zwjazkowego předsydstwa a prezidija je přistup w kóždym času móžny.
3. Protokole wuradžowanjow džěłowych wuběrkwow dóstanu nimo wuběrkwownikow tež čłonojo prezidija. Čłonojo zwjazkowego předsydstwa smědža sebi protokole požadać.
4. Jako čłonojo džěłowych wuběrkwow móža so nimo čłonow zwjazkowego předsydstwa a prezidija dalši zastupjerjo župow a towarstwow kaž tež fachowcy powołać. Woni podleža samsnemu rjadowanju dowěrliwosće kaž čłonojo zwjazkowego předsydstwa.
5. Wuběrki rozprawjeja zwjazkowemu předsydstwu abo prezidijej prawidłownje wo rezultatach a džěławosći swojeho skutkowanja a předpołoža wotpowědne namjety jako předłohi k wobjednanju a schwalenju.
6. Předsydža wuběrkwow smědža na zakładze naprašowanjow medijow abo po swójskim rozsudze wuběrkwownikow zjawnosć k tematiskim čěžiščam njezjawnych posedženjow wuběrkwow informować. Při tym ma so wobkedźbować, zo ma so jednać wo powšitkowe informacije džěławosće wuběrkwow, nic pak wo naćiskach, kiž ma zwjazkowe předsydstwo dodiskutować a wobzamknyć.

## **§ 10**

### **Prezidij**

1. Po artiklu 10 wustawkow Domowiny słušeja do prezidija předsyda Domowiny, jeho městopředsydaj a dalšej čłonaj zwjazkowego předsydstwa, kotrejuž na namjet předsydy zwjazkowe předsydstwo powoła.
2. Po artiklu 10 dypkaj 3 a 4 wustawkow Domowiny postaji zwjazkowe předsydstwo slědowace zamołwitosće prezidija:
  1. přihotować wobsahowje posedženja zwjazkowego předsydstwa,
  2. poradźować zwjazkowe předsydstwo we wobsahowych a wažnych organizatoriskich prašenjach a k tomu předpołožić trěbne předłohi,
  3. poradźować předsydu Domowiny w jeho běžnej džěławosći,
  4. wutworić w nadawku zwjazkowego předsydstwa nachwilne džěłowe skupiny resp. wuběrki a jich džěło koordinować,
  5. koordinować běžnje džěławosć institucionelnych wobłukow Domowiny a přijimać k tomu trěbne informacije,

6. pripravovať hlavné zhromaždenia Domoviny a navrhovať wudzětanje rozprawy wo dźělawosći zwjazkowneho předsydstwa a k aktualnemu položěnju serbskeho ludu a
7. rozsudzić wo slědowacych prašenjach:
  - a) chwattnje trěbne stejišća Domowiny k naćiskam prawnickich předpisow a k aktualnym prašenjam,
  - b) stejišća Domowiny k předewzaćam regionalneho planowanja,
  - c) delegowanje kulturnych skupin w nadawku Domowiny, projekty kulturneje wuměny a službne jězby do wukraja,
  - d) koncepty za róčnicy a jubileje,
  - e) naprawy w zwisku z wobhospodarjenjom imobilijow Domowiny,
  - f) nadawki k prawniskej poradze Domowiny,
  - g) kónčna redakcija za stejišća, rezolucije, memorandumy a podobne wozjewjenja Domowiny, kiž so w zjawnosći rozšěrjeja (brošurki, stejišća, rezolucije, memorandumy a podobne).
  - h) wobdźělenje Domowiny na projektach druhich nošerjow,
  - i) koncepty za wopomnjenske dny.
3. Zwjazkowe předsydstwo informuje so na kóždym posedženju wo dźělawosći a rozsudach prezidija a dóstanje přehlad wobzamknjenjow.
4. Posedženja prezidija su zasadnje njezjawne. Čłonojo zwjazkowneho předsydstwa smědža so na posedženjach wobdźěleć.
5. Dźělawosć prezidija rjaduje wosebity jednanski porjad, kiž zwjazkowe předsydstwo schwali.

## **§ 11**

### **Winowatosće čłonow zwjazkowneho předsydstwa**

1. Nimo aktiwneho wobdźělenja na posedženjach zwjazkowneho předsydstwa ma čłon zwjazkowneho předsydstwa wosebite winowatosće napřećo župje resp. towarstwu, kotraž/kotrež je jeho za wólby do zwjazkowneho předsydstwa nominowała/o. Wón ma předsydstwo župy resp. towarstwa prawidlownje wo jeho skutkowanju informować, předłohi w předpolu posedženjow z nimi diskutować, wobzamknjenja zwjazkowneho předsydstwa rozkłać a jich přesadženje podpěrować.
2. Wobzamknjenja su za kóždého čłona zwjazkowneho předsydstwa jenak zwjazowace. Žadyn čłon zwjazkowneho předsydstwa nima po wotumje wjetšiny gremija prawo, přesadženje wobzamknjenjow blokować a swójske a napřećiwne aktiwity přewjesć.
3. Hdyž zwjazkowe předsydstwo postaji, zo njesmě so wo wěstych prašenjach zjawnje informować, ma kóždy čłon gremija winowatosć k mjelčenju. Tuta winowatosć wobsteji

hač do wuwjazanja na zakładže rozsuda zwjazkowego předsydstwa.  
Winowatosć k mjelčenju płaći bjez wobmjezowanja za personalne daty.

4. Kóždy člon zwjazkowego předsydstwa je k aktiwnemu zjawnostnemu dźělu namołwjeny.

## **§ 12**

### **Zjawnostne dźěło**

1. Zjawnosć a žurnalisća přeprošuja so z nowinskim wozjewjenjom a z nawěškom na zjawne wuradźowanja zwjazkowego předsydstwa.

Dnjowy porjad zjawneho dźěla so najpozdžišo 3 dźěłowe dny do posedženja w serbskej a němskej rěči w interneće wozjewi.

Předłohi k wobzamknjenju w zjawnym dźělu posedženja wozjewja so w zapodatej rěči tohorunja najpozdžišo 3 dźěłowe dny do posedženja na internetnej stronje Domowiny. Zajimowanym žurnalistam a hosćom móža so dospołne podložki zjawneho dźěla na dnju posedženja jako kopija k dispoziciji stajić.

2. Wobzamknjenja zjawneho dźěla posedženjow zwjazkowego předsydstwa maja so w běhu jednoho tydženja na internetnych stronach Domowiny wozjewić.

Po posedženju zhotowi nowinska rěčnica medijowe wozjewjenje wo hłownych ćežiščach a wuslědkach zeńdženja.

Po wothłosowanju z jednym člonom prezidija posrědkuje so tute redakcijam, člonam zwjazkowego předsydstwa a dalšim zajimowanym adresatam.

Zdobom ma so wone na internetnej stronje Domowiny wozjewić.

3. Rozsudy interneho resp. dowěrliwego razu, kotrež njesmědža so wozjewić, so na posedženju konkretnje pomjenuja.

*Změna jednanskeho porjada schwali so na posedženju zwjazkowego předsydstwa dnja 13.09.2014 w Budyšinje a nabudže z tym swoju płaćiwosć.*